



Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 03-11-1-1774-7-11/22 – BA/SA

Tuzla, 26.01.2023. godine

Na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14 i 59/22), člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 04/16) i Preporuke Komisije za provođenje postupka ugovaranja zdravstvene zaštite broj: 03-11-1-1774-6/22, donosi se sljedeća

O D L U K A

o izboru ponuđača – LOT 11 – ugovaranje ostalih djelatnosti primarnog nivoa zdravstvene zaštite za 2023. godinu za područje općine Teočak

I

U skladu sa Preporukom Komisije za provođenje postupka ugovaranja zdravstvene zaštite, za nabavku usluga ostalih djelatnosti primarnog nivoa zdravstvene zaštite za 2023. godinu, za koje je u sistemu Javnih nabavki objavljeno Obavještenje o nabavci usluge iz Aneksa II broj: 793-9-2-8-22-82/22 od 27.12.2022. godine, za LOT 11 biraju se sljedeći ponuđači:

- JZU Dom zdravlja Teočak i
- JZNU Dom zdravlja Tuzla.

II

Na osnovu dostavljene ponude JZU Dom zdravlja Teočak dodjeljuju se sredstva u iznosu od 238.425 KM, za pružanje slijedećih djelatnosti:

1. Zdravstvena njega u zajednici
2. Zdravstvena zaštita predškolske djece (od 0 do 6 god.)
3. Centar za imunizaciju
4. Zdravstvena zaštita žena
5. Zdravstvena zaštita zuba i usta
6. Laboratorijska dijagnostika
7. Ultrazvučna dijagnostika
8. Centar za mentalno zdravlje u zajednici
9. Apotekarska djelatnost za vlastite potrebe

Ponuđaču JZNU Dom zdravlja Tuzla dodjeljuju se sredstva u iznosu od 64.312 KM, za pružanje slijedećih djelatnosti:

1. Zdravstvena zaštita specifičnih i nespecifičnih plućnih bolesti
2. Radiološka dijagnostika primarnog nivoa
3. Centar za fizikalnu rehabilitaciju

Na osnovu člana 15. Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2023.godinu, broj: 02/1-33-34060/22 od 23.12.2022. godine, koju je donijela Vlada Tuzlanskog kantona, JZU Dom zdravlja Teočak dodijeliti će se sredstva i za pružanje slijedećih djelatnosti:

- Higijensko epidemiološka zaštita31.729 KM

- Hitna medicinska pomoć	279.545 KM
- Preventivni pregledi školske djece.....	10.512 KM
- Usluge uzimanja i dostave laboratorijskih uzoraka	6.853 KM
- Naknada na ime dostupnosti zdravstvene zaštite.....	171.776 KM
- Zdravstvena zaštita povratnika u RS	28.445 KM

Ukupna sredstva koja se dodjeljuju JZU Dom zdravlja Teočak iznose 767.285 KM i JZNU Dom zdravlja Tuzla iznose 64.312 KM.

III

Nakon proteka Zakonom predviđenog roka, te dobijanjem Saglasnosti Ministarstva zdravstva Tuzlanskog kantona i usvajanjem Odluke Upravnog odbora ZZO TK o davanju Saglasnosti na zaključivanje ugovora, Ugovorni organ će sa izabranim ponuđačima zaključiti Ugovor o nabavci usluga ostalih djelatnosti primarnog nivoa zdravstvene zaštite za 2023. godinu – LOT 11.

IV

Ugovorni organ će istovremeno sa slanjem Odluke o izboru izabranim ponuđačima, objaviti dobrovoljno ex ante obavještenje na Portalu javnih nabavki u skladu sa članom 36. Zakona o javnim nabavkama.

V

U skladu sa članom 70. stav (6) Zakona o javnim nabavkama BiH, ova Odluka će biti objavljena na internet stranici Ugovornog organa istovremeno sa upućivanjem svim učesnicima u predmetnom postupku.

VI

Ova Odluka stupa na snagu danom donošenja.

OBRAZLOŽENJE

Na osnovu člana 8. stav (1) Zakona o javnim nabavkama ("Službeni glasnik BiH", broj: 39/14 i 59/22), Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2023. godinu broj: 02/1-33-34060/22 od 23.12.2022. godine, koju je donijela Vlada Tuzlanskog kantona, člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 04/16) i Saglasnosti Ministarstva zdravstva TK broj: 13/1-04-34225-4/22 od 26.12.2022. godine, a u vezi sa Uputstvom o uslovima i načinu objavljivanja obavještenja i dostavljanja izvještaja o postupcima javnih nabavki na Portalu javnih nabavki („Službeni glasnik BiH“, broj: 80/22), dana 27.12.2022. godine, na Portalu javnih nabavki objavljen je Javni poziv za dostavu ponuda za ugovaranje ostalih djelatnosti primarnog nivoa zdravstvene zaštite za 2023. godinu.

Predmet Javnog poziva su zdravstvene usluge koje se pružaju na primarnom nivou zdravstvene zaštite kroz ostale djelatnosti primarnog nivoa zdravstvene zaštite u skladu sa Programom zdravstvene zaštite iz obaveznog zdravstvenog osiguranja za područje Tuzlanskog kantona, a koje su sadržane u slijedećim djelatnostima:

- Zdravstvena njega u zajednici
- Zdravstvena zaštita predškolske djece (od 0 do 6 god)
- Centar za imunizaciju
- Zdravstvena zaštita žena
- Zdravstvena zaštita kod specifičnih i nespecifičnih plućnih bolesti
- Zdravstvena zaštita zuba i usta
- Laboratorijska dijagnostika
- Radiološka dijagnostika primarnog nivoa

- i) Ultrazvučna dijagnostika
- j) Centar za mentalno zdravlje u zajednici
- k) Fizikalna rehabilitacija
- l) Apotekarska djelatnost za vlastite potrebe

Predmet nabavke je podijeljen na 13 LOT-ova.

Procijenjena vrijednost nabavke iznosi ukupno 25.888.601 KM, koja vrijednosti za LOT 11 iznosi 302.737 KM.

Kriterij za odabir ponuđača bio je ekonomski najpovoljnija ponuda.

Javni poziv je bio otvoren do 10.01.2023. godine, do 13:00h.

Do krajnjeg roka za dostavu ponuda, ponudu za LOT 11 dostavili su ponuđači JZU Dom zdravlja Teočak i JZNU Dom zdravlja Tuzla. Isto je konstatovano u Zapisniku o otvaranju ponuda. U Zapisniku o pregledu i ocjeni ponuda Komisija je konstatovala da su ponuđači dostavili prihvatljive ponude i da će se sa istima provesti Pregovori.

U skladu sa gore navedenim i tačkom 5. Javnog poziva, sa ponuđačima JZU Dom zdravlja Teočak i JZNU Dom zdravlja Tuzla 24.01.2023. godine, su provedeni pregovori, o čemu je sačinjen Izvještaj o prijedlozima i sporazumima do kojih se došlo tokom pregovora, kao i Zapisnik o provedenim pregovorima.

Po okončanju pregovora, postupajuća Komisija je dala Preporuku da se za LOT 11, pružanje usluga ostalih djelatnosti primarnog nivoa zdravstvene zaštite, dodijeli ponuđačima JZU Dom zdravlja Teočak i JZNU Dom zdravlja Tuzla.

Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije.

U postupku je procijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima i Javnim pozivom.

Cijeneći naprijed navedeno, odlučeno je kao u tački I dispozitiva ove Odluke.

POUKA O PRAVNOM LIJEKU:

Protiv ove Odluke može se izjaviti Žalba Uredu za razmatranje žalbi putem ovog Ugovornog organa, najkasnije u roku od 10 dana od dana objavljivanja dobrovoljnog *ex ante* obavještenja o transparentnosti.

Dostavljeno:

1. Ponuđačima (e-mail)
2. a/a



DIREKTOR

Dr.sc. Denis Husić, dipl. pravnik